



## **Protocol dalla radunonza generala dils 16-03-24**

Datum: 16-03-24  
Temps: 17:00 uras  
Liug: Melserhof, Mels

### **1 Beinvegni ed appell**

Il president Rinaldo Caduff fa in beinvegni a nossa radunonza generala ed in spezial beinvegni als commembers d'honor Venanzi Casanova, Fidelia Staub, Cornelia Bigger, Jolanda Kohler ed Amadeus Muoth.

Era in beinvegni fagein nus ad Annalisa Schaniel, representanta dalla Lia Rumantscha ed a Corsin Derungs, president dalla cultura Romontscha dalla Bassa.

### **2 Elecziun dils dumbravuschs**

73 commembras e commembers ein presentAs

37 vuschs ei igl absolut pli

Manuela Maissen, Rico Capeder, Toni Valaulta e Peter Rüz vegnan elegi sco dumbravuschs.

### **3 Protocol dalla radunonza generala 2023**

Il protocol dalla radunonza generala 2023 vegn approbaus cun in applaus.

### **4 Pareri**

#### **A dil president**

Il pareri ei vegnius per e-mail, perquei vegn quel buc legius avon. Rinaldo less denton far in pign sguard anavos sin las occurenzas.

Plinavon less il president far in grond engraziament a duas personas, numandamein a Meinrad Arpagaus ed alla Elisabeth Caduff per la gronda lavur ed il sustegn. Meinrad organisescha e transportescha las notas da cant e quei dat la dètga lavur. Elisabeth Caduff creescha e scriva tut husli las cartas da natalezi per tut ils commembers e las commembras e paga tut las extradadas per talas ord agen sac.

Nus fagein in grond applaus per la lavur prestada.

#### **B dalla dirigenta**

Il chor dumbra atgnamein 40 commembras e commembers, mo ord divers motivs ein pil mument mo 35 activs. Nus havein astgau passentar bials muments musicalics el 2023, nus havein presentau nies concert ella baselgia reformada da Ragaz Bogn, cantau per in survetsch divin a Maiavilla, stai alla perdanonza a Cumbel e cantau duront prozessiun ed apéro e cantau per in apéro dall'uniun da cultura Walenstadt. Il plascher pil cant, per il lungatg Romontsch e per la cumpignia ein treis impurtontas valurs el chor. Nus selegrein d'astgar presentar ils 28.4. ed ils 5.5.24 nies concert annual ensemen cun il chor dils Larischs.



## 5 Rendaquen da cassier e revisurs

### Dil cassier

Entradas	2023	2022
Contribuziuns annualas	5'680.00	4'940.00
Occurenzas	1'128.00	1'180.70
Chor Rumantsch Rezia Bassa	4'950.00	4'776.55
Diversas	0.00	400.00
<b>Total entradas</b>	<b>11'758.00</b>	<b>11'297.25</b>
Expensas	2023	2022
Occurenzas	6'501.95	4230.40
Administraziun	437.45	262.60
Chor Rumantsch Rezia Bassa	4'218.05	3'439.55
Diversas	458.90	1'770.65
<b>Total expensas</b>	<b>11'616.35</b>	<b>9'703.20</b>
Facultad	2023	2022
Cassa	884.35	183.50
Banca	10'179.45	10'738.65
<b>Totala facultad</b>	<b>11'603.80</b>	<b>10'922.15</b>

Lucas Caviezel prelegia la revisiun da quen. Al cassier duei vegnir dau scharschament.

## 6 Elecziuns

La gronda part dallas personas ella suprastonza stattan ella suprastonza. Mo Lucas Caviezel e Lea Killias dattan giu lu posts. Ei vegn engraziu ad els dus per la lavur prestada cun in grond applaus.

Fidelia Staub, Carin Deplazes e Sandro Caduff vulan far vinavon lur posts e vegnan elegi unanimamein.

Sco successura dall'actuara ha Rinaldo dumandau tuts commembers e commembras mo survegniu negin resun. El ha era dumandau personalmein varga diesch personas che fissan tenor siu manegiar stadas adattadas, mo tuppamein ha ei dau negin resun positiv. Aschia ha el encuretgi en las atgnas retschas ed anflau sia feglia, Mirjam Bärtsch. Ella stat a disposziun e vegn elegida unanimamein.

Andrea Dellner e Lea Killias stattan a disposziun sco revisuras e vegnan era elegidas unanimamein.

Sco finir dat ei aunc l'elecziun dil president. El fa quella lavur dapi sis onns cun grond schlontsch. Sia finamira pil futur ei da aunc puder carmelar in pèr commembers e commembras cun auters idioms sco Vallader, Puter, Surmiran. Fidelia prelegia in laud al president e nus elegin el unamimamein e cun in grond applaus.

## 7 Mutaziuns e honoraziuns

### Mortoris:

Baseli Collenberg

### Commembers extrai:

Simona Truog, Claudia Bauer, Daniel Bauer, Anna Marie Widrig

### Commembers novs:

37 personas



### **Giubileums:**

25 onns

Jolanda Kohler

30 onns

Monika Lang, Genny Eggimann

40 onns

Clau Flury

45 onns

Erika e Venanzi Casanova

50 onns

Eugen Casanova

### **8 Activitads 2024**

El schaner e fever han giu liug divers Cafés Rumantschs. Il Cuors da Romontsch ha tratg 40 interessents ed ei ha dau dus cuors, in mintgamai il venderdis sera e tshel la sonda endamaun, 33 persunas prendan actualmein part al cuors da Romontsch.

Chor Rumantsch, concert ils 28. avrel ed ils 5 da matg 2024 ensemen cul Chor dils Larischs

15 da zercladur, sera da heighels, jass e troccas

28 da fenadur, viandada sil Lanaberg

28 d'october, cant liber

17 da november, lotto Romontsch

Entgins cafés Romantschs

Vus anfleis tut las occurenzas ed ils detagls vitier sin la fetg biala pagina d'internet [www.reziabassa.ch](http://www.reziabassa.ch) che Sandro Caduff tgira.

### **9 Contribuziun annuala**

Per la contribuziun dil 2025 ha la suprastonza la suandonta proposta:

commembers singuls: CHF 60.-

partenaris: CHF 100.-

Quei vegn acceptau unanimamein.

Corsin Derungs sepresenta cuort. El habitescha dapi 52 onns a Zug ed ei staus 40 onns el Chor Romontsch Zug. Corsin porta a nus ina idea per survegnir daners – nus dueigien far ina canorta d'affons, lu detti la Lia Rumantscha sustegn. Ensemen cun auters ha Corsin fundau ils 11.11.2022 l'uniun Cultura Rumantscha ella Bassa. Quell'uniun ha organisau gl'onn vargau in grond concert a Cham cun in flot success. La finamira ei da far mintg'onn in grond concert cun chors Romantschs.



Il proxim project ei in grond concert ils 8 da mars 2025 a Glaruna culs Fränzlis da Tschlin, cun il Chor Viril Surses ed in chor da giuvenils. Corsin damonda nus, sche nus fissan prompts da segidar cun l'organisaziun. La suprastanza vegn a tschintschar surdlunder e dar lu in resun alla uniun Cultura Rumantscha ella Bassa.

Rinaldo fa aunc attents, ch'ei dat ina super pagina d'internet per far reclama per occurenzas ni per s'informar, quei ei chalender.ch.

## **10 Varia**

Il di dalla radunonza generala plai buc propi a tuts. Nus havevan decidu avon sis onns da far la radunonza generala mintgamai ina sonda sera. Il president damonda cons commembers e commembras che lessan far la radunonza pli bugen la dumengia. La damonda muossa che la gronda part ei persunter da restar tier la sonda.

Annalisa Schaniel dalla Lia Rumantscha porta salids dil secretari general dalla Lia. Ella declara ch'ina pusseivladad sco survegnir sustegn finanziel dalla Lia Rumantscha ei dad organisar occurenzas per affons cun quei che quella interpresa ei pil mument focussada sin il promover nies lungatg cuzun tier ils vegnensunter.

El mars 2023

L'actuara Lea Killias